



Il gnûf retôr de Universitât dal Friûl, Alberto Felice De Toni, jentrât uficialmentri in cjarie al 1n di Otubar, al à definit la squadre dai docents che i staran dongje inte gjestion dal ateneu pal an academic 2013-2014. Il proretôr al è Angelo Vianello. A son sis i delegâts di aree, o sedi i professôrs di rûl che, cun funzions organizativis, di coordinament de ricercje e di guvier, a fasin lis funzions dal retôr par grandis areis di competence.

Vianello, di là de incarghe di proretôr, al cjape ancje chê di delegât ae Culture. "Pe prime volte l'ateneu al istituis la deleghe ae Culture, câs forsît unic in Italie – al rimarche Vianello – Al vûl jessi un segn di atenzion pe creativitat dal om, font di cualsîsedi inôvazion, di un volê lâ di là de universitât concepide dome tant che aziende". Chei altris cinc a son Fabiana Fusco ae Didatiche, Pier Luca Montessoro ae Informatiche e rêts, Marco Petti ae Edilizie e strumentazion, Ro-

berto Pinton cun ae Ricercje e Antonella Riem Natale ae Internazionalizazion.

"Il futûr al è di cui che al sa immaginâlu – al à declarât il retôr -. Par chest o ai cirût di sielzi i delegâts di Aree tra i coleghis che a àn il futûr intal sanc". Po la squadre dal retôr si iniecirà ancje dai delegâts di setôr, sielts tra professôrs e ricercjadôrs di rûl par fâ funzions di coordanament in setôrs specifics di ativitât.

Angelo Vianello al è professôr

ALBERTO FELICE DE TONI, JENTRÂT IN CJARIE AL 1^N DI OTUBAR, AL À SIELZÛT I DOCENTS CHE I SARAN A FLANC INTE GJESTION DAL ATENEU.

Ve ca la squadre dal gnûf retôr

ordenari di Biochimiche vegetâl, cumò al insegne Biologie des plantis intai Cors di studi di Biotechnologiis e Siencis pal ambient e la nature. Nassût a Polcenic, intal Friûl occidentâl, intal 1945, maridât cun dôs fiis, Vianello al è stât preside de facultât di Agrarie dal 2003 al 2009 e diretôr di Dipartiment. Cumò al è President de Comission di garanzie dal Ateneu e dal Consei scientifiche de Forum, editore universitarie.

Fabiana Fusco e je professore associate di Linguistiche e Traduzion. Di Udin, 47 agns, maridade, laureade intal 1989 in Lenghis e Leteraturis forestis te Universitât dal Friûl, dopo periodis di formazion e ricercje intai ateneus di Macerata, Zuri e Graz, dal 1996, par nûf agns, e je stade ricercjadore di Glotologie e linguistiche te universitât fulane, intant che dal 2005 e à sco-menchât a fâ servizi tant che associade.

Pier Luca Montessoro al è professôr ordenari di Sistemis di ela-

borazion des informazions. Nassût a Turin intal 1961, si è laureât in Inzegnarie electroniche tal Politecnic di Turin. Dopo jessi stât ricercjadôr dal Cnr e professôr a contrat pal Politecnic di Turin, dal 1992 al insegne te Universitât dal Friûl. Par siet agns, fin tal 2002, al è stât diretôr dal Centri di Calcol, intant che dal 2003 al 2009 al à diret il dipartiment di Inzegnarie eletriche, gjestionâl e mecaniche.

Marco Petti al è professôr ordenari di Idrauliche. Nassût a Pistoia, 56 agns, maridât, si laurea in Inzegnarie civil tal ateneu di Florence. Ricercjadôr al dipartiment di Inzegnarie Civil dal ateneu di Florence, dal 1995 al è te Universitât dal Friûl, dulà che al devente ordenari intal 2008. Dal 2012 al è membri dal Consei di amministrazion. Dal 2008 al 2012 al è stât vicepreside de facultât di Inzegnarie e dal 2011 al 2013 al è stât vicediretôr dal dipartiment di Chimiche fisiche e ambient.

Roberto Pinton al è professôr ordenari di Chimiche agrarie. Padoan, classe 1956, si è laureât in Siencis agrariis tal ateneu di Padue dulà che al à otignût ancje il dottorât di ricercje in Produttivitât des plantis coltivadis. Dal 1986 al è te Universitât dal Friûl, dulà che dal 2001 al cuvierç il rûl di professôr ordenari. Al è stât preside de facultât di Agrarie e diretôr dal dipartiment di Siencis agrariis e ambientâls.

Antonella Riem Natale e je professoressa ordenarie di Letterature inglese e presidente de Conferenze nazionâl di Lenghis e leteraturis forestis. Pordenonese, la Riem si laurea in Leteraturis forestis te Universitât dal Friûl intal 1981, dulà che e lavore dal 1987 e dal 2002 e je professoressa ordenarie di Letterature inglese. E je stade preside de facultât di Lenghis e leteraturis forestis e direttore dal dipartiment di Lenghis e leteraturis gjermanichis e romanichis.